

Date – 20/03/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

1. **Thla thar April ni 1 atanga hman tan tur, damdawiina a thlawna inenkawlina tur Mizoram Universal Healthcare Scheme chu nimin khan Chief Minister Pu Lalduhoman a tlangzarh.**
2. **AMC Mayor Pu Lalrinenga Sailo chuan Treasury Bazar a eizawng tute zinga insawn duh lo tlemte chu thil awmzia ngaihtuah chianga AMC ruahmanna dodal lo hram turin a duh a ni, a ti.**
3. **Union Health Minister JP Nadda chuan ramchhungah damdawi man tlawm zawrhna Jan Aushadhi thar sing khat leh sang nga siam belh a ni ang a ti**
4. **Union Cabinet chuan BHIM-UPI man tlawm zawk hman uar anih theih nan tanpuina scheme siam a remti.**

<><><>

HEALTH CARE SCHEME

Thla thar April ni 1 atanga hman tan tur, damdawiina a thlawna inenkawlina tur Mizoram Universal Healthcare Scheme (MUHCS) chu nimin khan Chief Minister Pu Lalduhoman a tlangzarh.

Sorkar laipui scheme AB PMJAY, Mizoram Health Care Scheme leh Sawrkar MR te chu huang khatah chhunfinin, kalphung khat hnuaia kalpui tur a ni a, Civil Pensioner leh Provisional Employess te pawh he scheme hi tuamtir an ni.

He scheme hnuaiah hian damdawiin luh ni leh chhuah ni inkara inenkawlina senso te chu damlo ten an pek ngai lovin a thlawnin damdawiinah inenkawlina an dawng thei dawn a, heng senso hi sorkar chuian ni 30 chhungin a pe anga, a pe lo anih chuan a bat chhunga pung nen a rul dawn a ni a ti. He scheme hman theihna tur damdawiin chu tun dinhmunah sorkar damdawiin te an ni a, empanelment hawn mek a ni a, private hospital hemi hnuaia inziaklut duh te tan inziahluh theih a ni dawn a ni.

Chief Minister Pu Lalduhoma chuan he scheme kalpui tur hian Asian Development Bank atanga sum puk tum a ni a ti a, an puk theilo anih pawhin an kalpui theih tho tur thu sawiin, sorkarin sum harsatna nasa tak tawkin dinhmun hlauhthawnawmah pawh ding se he scheme a kalpui tlang theihna turin bank nen ruahmanna an siam vek a, mipui ban phak scheme a ni dawn a ni a ti.

He scheme hnuaiah hian sorkar damdawiin thuam chak a ni dawn a ti a, ICU leh a dangte hnathawk theia siam a ni dawn a, hemi atana pawimawh thawktu, doctor leh nurse te emaw pawh lakbelh a ni anga, part time doctor mamawh a nih pawhin hlawh tha tak pek an ni ang a ti.

Pu Lalduhoma chuan tun financial year kalmeka Health Care sum ba, cheng vbc 13 leh nuai 50 chu pek tlak vek a ni dawn tih a sawi bawh a ni.

<><><>

CM : FINANCE

Land Resources, Soil & Water Conservation Department changtu Minister, Pu Lalthansanga'n sorkar laipui atangin kuhva chin belh tawh lo tura hriattirna awm mahse Mizoram sorkar chuan a thlawp lo tih a sawi.

Nimina Assembly session-a Siaha bialtu, Dr. K. Beichhua zawhna chhangin, Minister chuan sorkar laipui atangin India chu kuhvaah a intodelh tawh avangin chin belh zel a tul tawh lo tih DoNER Ministry kaltlangin hriattirna an dawng tih a sawi a, hetihlai hian Mizoram sorkar chuan kuhva chin belh tawh loh hi a thlawp lem lova, kuhva chin belhna tur project chu sorkar ang chuan an siam tawh dawn lova, siam pawh ni se DoNER Ministry atang chuan a tlang tawh dawn lova, hetihruai hian ZPM kaihhruai sorkar hnuaia Handholding scheme-ah erawh Kuhva hi a la telh theih thu House a hrilh a ni.

Minister chuan rubber chungchang pawh sawiin, nikum December ni 20 khan Chief Minister rubber mission an hawng a, pilot project ni mah se chak takin an kalpui a, tun dinhmunah hectare sang 1 velah bul an tan a, Tripura leh South India lamah pawh a kaihhruai department chuan zirchianna an neih tawh thu a sawi a, rubber chi tha chin tum a nih thu sawiin, a chin dan tur pawh fimkhur takin science lam thiamna hmanga kalpui a nih tur thu a sawi a, hemi atan hian NABARD atangin cheng vbc 27 chuang an hmu tawh tih House a hrilh a ni.

<><><>

SPORTS MINISTER

Sports & Youth Minister Pu Lalngthinglova Hmar chuan tun sorkar kum chhungin Sports & Youth Services Department hnuaiah construction hna 10 thawh zawh a ni tawh a, hnathawh mek 51 a awm tih a sawi.

He thu hi nimin Assembly rorel inkhawma zawhna leh chhanna hunah sawiin, Sports Minister chuan Mizoram State Sports Council chu amaha inrelbawl theiha dah a nih rualin, thawktu indaih lohna a nasat thu a sawi a, Assistant Engineer pakhatin a hova, Junior Engineer nghet pathum leh contract pakhat an awm thu a sawi a, JE-te hna insem dan hrang hrang sawi chhuakin, mi pakhatin project eng emaw zat an insem a, engineer ten theihtawp an chhuah a, an hnathawh pawh a chhe lova, hetihruai hian an hnathawh zat leh a enkawltu awmzat chu a inmil lo hle tih House a hrilh a ni.

Minister chuan zawh belhna chhangin hnathawhna tur sum te chu PMJVK hnuaia hmuh a ni tlangpui a, hetihruai hian SASCI leh thil dang atanga hmuhte pawh a awm a, PMJVK hnuaia cheng vbc 422 pawm tawh

zinga cheng vbc 227 chu an dawng tawh a, la dawn loh cheng vbc 152 a awm tih a sawi a, state sorkarin a pek belh tur cheng vbc 20 vel a la awm tih sawiin, heng sum te hi sorkar hmasa hunlai atanga sanction tawh a nih thu a sawi a ni.

<><><>

HORTICULTURE

Horticulture Department changtu, Minister Prof. Lalnilawma'n Mizoram thei zingah balhla thar chhuah tam ber a nih thu a sawi.

He thu hi nimina Assembly rorel inkhawma zawhna leh chhanna hunah sawiin, Horticulture Minister chuan Mizorama thei thar chhuah chi 8 an chhinchhiah zingah balhla an thar chhuak tam ber a, kum 2023 leh 2024 leh kum 2024 leh 2025 inkara an chhinchhiah danin, Mizoramah balhla metric ton nuai khat, sing 4, 502 thar chhuah a ni tih a sawi a, a dawtah lakhuihthei thar chhuak tam berin, metric ton sing 2, sang 9, 183, a pathumna chu thingfanghma niin, a palina chu grape a ni a, a pangana chu sapthei, a parukna chu dragon fruit a ni tih House a hrilh a ni.

Zawh belhna chhangin, Minister chuan a enkawl Horticulture dept chu thlai thar zawrh chhuah lam buaiputu tur ni lo mah se, loneituten an thlai thar hralh chhuah lama harsatna an tawh changin an hnenah an thlen thin avangin Horti dept chuan thlai thar chhuah zawrhna tur hmun te an lo buaipui a, Horticulutre directorate office building kawt leh Secretariat kawtah te an zawrh tir thin tih a sawi a, kumin VC inthlan dawna lakhuihthei a chhe teuh ni- a thuthang awm kha a kaihhruai Horticulture department chuan a hriatpui lo tih House a hrilh bawk a ni. Minister chuan MNF kaihhruai sorkar hmasa khan mau chi leh a tiak nuai 9, sing 7, sang 1, 225 chu cheng vbc 6, nuai 83, sing 3, 250-in an lei tih a sawi a, sorkar hmasa in maurua an lo buaipui tawh te chu puitling lo ni lo mahse, thenkhat chu an than a thu tih sawiin, maurua an chin te chu an chinna hmun a zirin a thangin a thang lo niin a sawi a. Mizoram Mau sawngbawl dan tur leh tangkai zawk a hman dan tur chu ZPM kaihhruai sorkar-in ruahmanna a nei a, hetihruai hian mau hriak lakna tur MOU ziah a la ni lo tih House a hrilh a ni.

<><><>

P&E

Power & Electricity Department changtu Minister Pu F.Rodingliana'n Tlawng lui khuah tak tak tum a nih thu a sawi.

He thu hi nimina Assembly rorel inkhawma zawhna leh chhanna hunah sawiin, P&E Minister chuan Tlawng lui khuah tak tak an tum avangin a hmunah ngei thuthar thehdarhtute pawh an kawm tawh a, kum 2017 July thla khan ZPM policy drafting committee chu CWC-ah lengin engtikah nge an zawh dawn tih an zawhna chu kum 2018 a zo turin an lo hrilh a, hetihlai hian vawiin thlengin an la tihlawhtling thei lova, an chhuanlam chu a hmunah drilling machine an la lut thei lo tih an sawi a, ZPM sorkar tirhah hma an la nghal a, theihtawp an chhuah hnuah kumin chhungin DPR an zawh hman tur thu an sawi a, DPR an zawhna tur atana an hmalakna - a tuikhuah san zawng tur te, a tuikhuah chim chin tur te, a powerhouse awmna tur te leh multipurpose dam a nih dan tur te an hrilh tawh a, kuminah tuikhuah hman chiah lo mahse nakkum lamah chuan Mizoram sorkar sum seng pawhin tuikhuah thei ngei turin hma an la tawh dawn tih House a hrilh a ni.

Hei bakah hian Minister chuan Serlui B Hydel Project chu Privatisise/Out-source tura diltu leh beiseitu awm mahse Mizoram Sorkar tan a that ber dan tur zirchian mek a ni a ti a , Power & Electricity Department chu corporate a leh tura ruahmanna lo awm tawh mah se tun dinhmunah hmalak chhunzawm a ni lo a tih House a hrilh bawk a ni.

<><><>

AMC

Aizawl Municipal Corporation Mayor Pu Lalrinenga Sailo chuan Treasury Bazar a eizawng tute zinga insawn duh lo tlemte chu thil awmzia ngaihthuah chianga AMC ruahmanna dodal lo hram turin a duh a ni, a ti.

He thu hi nimina AMC Market, Tuikual South ah sawiin Pu Lalrinenga Sailo chuan tun tuma Aizawl Treasury Bazar a kangmei chhuak chuan Mizoram Legislative Assembly bang te a hliau a, a bula office pawh a kang ral vek a hei hian office dangte dinhmun hlauhawm takah a siam a ni, a ti a. India ram sawrkarin eizawnga mumal neilote intunnun nana kawng kama inzawrh theihna dan a awm a, hmun pawimawha inzawrh chu khap tlat a. Mipui tam zawk hamthatna leh sorkar thil pawimawh venhim chu a pawimawh a ni, a ti.

(Mayor)

Mayor chuan, Treasury Bazar leh a chhehvel chu survey neih a ni tawh a, kum 2016-17 chhung khan chawhmeh zawrhna dawhkan 150 chuang pek a ni a. Chumi ruala insawnga tur buaipui nghal a nih thu a sawi bawk a ni. Pu Lalrinenga Sailo chuan kum 2016 December ni 9 khan Treasury Bazar Association leh AMC te chuan inremna an sign tawh tih sawi bawkin, asn inremna thuthlungah chuan Treasury Bazar chu AMC in tha a tih huna titawpin hmun danga insawn theih a nih thu leh bazar hmangtuten harsatna an siam loh tur thu an intiam a ni, a ti.

AMC Mayor Pu Lalrinenga Sailo chuan AMC in nikum May ni 1 khan Notification a tihchhuah thu leh nikum May ni 6 ral hmaa insawn thla vek tura hriattirnaa siam a nih thu a sawi a. Nikum May ni 27 , MAY ni 31 leh June ni 1 vek khan Treasury Bazara thilzuara thute insawnga tura hriattirna chu chanchinbu kaltlanga chhuah a nih thu a sawi bawk a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

JAN AUSHADHI

Union Health Minister JP Nadda chuan ramchhungah damdawi man tlawm zawrhna Jan Aushadhi thar sing khat leh sang nga siam belh a ni ang a ti. Nimina Rajya Sabha-a Health and Family Welfare Ministry chungchang sawihonaah he thu hi sawiin Pu Nadda chuan kum hnih chhungin Jan Aushadhi thar sing khat siam tum anih thu a sawi a. Kum 2017-a Health Policy tlangzarh chuan health policy hmasa ang lo takin a huamzau hle tih sawiin

natna khirhkhan tuar enkawlrate leh invenna lam thlengin a huap a ni tih a sawi a ni.

<><><>

UNION CABINET

Union Cabinet chuan BHIM-UPI man tlawm zawk hman uar anih theih nan itanpuina scheme siam a remti. Nimina New Delhi-ah chanchinbumite kawmin Union I&B Minister Ashwini Vaishnaw chuan he scheme atan hian cheng vaibelchhe sangkhat leh 500 ruahman a nih thu a sawi.

He scheme hmang hian sumdawng tenaute chuan UPI service chu engmah chawi belh awm lovin an hmang thei dawn tih Pu Vaishnaw chuan a sawi a. Cheng sang 2 chian an inthawn apiangin zaa 0.15 lawmman pek zel a ni ang tih a sawi.

Union Cabinet chuan Brownfield Ammonia-Urea Complex Namrup IV Fertilizer Plandt chu Assam-a Namrup ah din a remtih thu a sawi bawk a. He plant hi Brahmaputra Valley Fertilizer Corporation Limited huamchhungah siam a ni ang tih a sawi a. Hei hian ramchhunga Urea siam chhuah a tihpun tur thu a sawi bawk a ni.

<><><>

UNION E&IT

Union Electronics and IT Minister Ashwini Vaishnaw chuan sawrkarin internet in awmteina online gaming leh a kaihhnawih thil tha lo ngawlveina te a ngai thutak hle tih a sawi. Lok Sabha-a ziaka zawhna chhangin Pu Vaishnaw chuan sawrkar laipui policy ah chuan internet him leh rintlak mipuite pek chu ngaih pawimawh a nih thu a sawi a ni.

<><><>